

COLOSENSES

Pablo mexe wetfel.

- 1** ¹Yakha' Pablo, t'eku'myijii' pa' Intata qu' ya'apostoli'ipji' ha' Jesucristo, qa na' Timoteo inejefe'epji' pa' Intata.^a
- ²Ha'ne witfaakanek t'ejuyii hekhewe' yatsat'etsij pa' Intata qa nite' yeqeku' iye inejefetsipji' ha' Cristo i'ni' ek ha' witset Colosas. Pa' Intata Dios qu' net'iftits'ił ewets qa qu' nikesimen iye pe' atawjetsi'ł.
- ³Yekheweli'ł hitjiijetspha'm le'wisij pa' Intata, hikpa' łatata ha' Yatsat'ax'inij Jesucristo, qa nite' hili'ihij qa k'iyinjii'ł epji',
- ⁴qe k'impieye'ehij pa' nite' eqekuyejeji'łij ha' Jesucristo qa pa' e'qsu'unkaxitsi'łij pe' week hats yijayan pa' Intata.
- ⁵Aka'an ta'łets pakha' ewetjuntikineyejeji'łik'ui pakha' hats watji'leti'ł ek'ui na' wa'sji'. Aka'an hik aka' kakha' łepi'ye'ehik'i qa łenikfe'li'łets iye in i'nk'aa łepi'ye'ehik'i kekhewe' wi'łljei ta'łets pa' yijaa'ija, hik kekhewe' ke' łe'sits wi'łljei t'ejuyets ha' Jesús^b
- ⁶hik ekewe' nami'ł ei. Ha'ne week sehe' epji' eke' wi'łljei hats t'ijaifik'i qa hats tei iye, qa in łunye'jek in i'nk'aa'ija pa'aj nami'ł ei qa łepi'ye'ehik'i qa łenikfe'li'łets iye aka' yijaa'ija qa pa' łeqi'fenkeye'łj iye pa' Intata.^c
- ⁷Aka'an hik aka' nıkfeliteli'łets na' Epafras, hik nakha' hisu'uni'ł in yithayife'el, qa łe'wis iye łeq'ithayinenek ha' Cristo hats'inha qu' ne'feni'łij in łijayani'ł ha' Cristo.^d
- ⁸Hik nakha' iye nifeli'ł ye'm pa' e'qsu'unkaxitsi'ł nelisi'łij pa' Espıritu Santo.^e
- ⁹Qa hik ta'łijupi' yekheweli'ł, in i'nk'aa k'ıye'ehij qa qi in nite' tsaqatsit'ihij in k'ıyini'ł epji'kii, qa k'ıyini'łijets iye pa' Intata qu' noponheti'łij pa'qu' ikfeliyaxitsi'łets pa' yisu'un pa' Intata qa' enikfee'lıłetsha, qa qu' enikfee'łik'iha iye pe' wekwek espiritułe ta'łets pa' Intata.^f
- ¹⁰Hats'inha qa' ejunyejeji'ł qu' iwqinheti'ł ha' Yatsat'ax'inij, qa' aqsiihijkii week pa' yisu'un, qa qu' hasu'uj ili'ihij qu' aqsi'ji'łi'mijkii pa' łe'wis

^a 1:1 1Co 1:1; 2Co 1:1; Ef 1:1; 2Ti 1:1; Hch 16:1; 1Ti 1:2 ^b 1:5 Sal 119:142; Jn 14:6; 2Co 11:10; Ef 1:13; 2Ti 2:15; 3Jn 3 ^c 1:6 Mr 4:8; Mt 13:38; 24:14; Ro 3:6; 2P 2:20; 3:18; 2Ts 2:10 ^d 1:7 Col 4:12; Flm 23; Mt 1:17; Ef 5:2 ^e 1:8 Sal 51:11; Jn 1:33; Hch 2:4; Ro 8:9; Tit 3:5; Ap 1:10; 3:22 ^f 1:9 Jn 14:13; Stg 1:5; Pr 2:6; Col 3:10; Ef 1:9

pekhewep, qa qu' week neluts ijayi'hijfik'i pa'qu' ikfeliyaxitsi'itets pa' Intata.^g

¹¹K'iyini'hijets iye pa' Intata qu' nata'lets pa' qi let'unha'x qu' net'unheeti'ha, hats'inha qu' nite' onoqmositi'hij qa qu' nite' itaqsuni'hijup iye week pa'qu' lunye'je', qa' e'le'sitsi'ihimkii iye^h

¹²qu' itjiijetspha'm le'wisij pa' Intata, qe lakha' hats jiyiwjutsiqen qu' jina'nij ji'teje'm qu' netestiitaxij pa'qu' natsat'etsij pekhewe' i'ni' hatse' pa' witset nite' yili'ij in na'lkii.ⁱ

Cristo hik lunye'j pa' lunye'j pa' Intata.

¹³Qe lakha' jiyiwejinik'uifik'i tenek'enheiji' pa' nookii qa jiyekaxetsji' pa' tenek'enheiji' ha' qi in yisu'un in La's,^j

¹⁴hikha' jiyilithinik'ui pa' u'ax, qa yiwu'm i'nk'ui pe' inwu'ets.

¹⁵Hikha' iye hik lunye'j pa' lunye'j pa' nite' jite'wen Dios, qa hikha' hayiits na' pa'aj in mexe ham ene' week laqsijiju' pa' Dios.^k

¹⁶Qe hakha'an hikha' yaqsiiikii pa'aj week pe' wekwek i'nji' ha'ne wa's qa ha'ne sehe' iye, pe' jite'wen qa pe' nite' jite'wen pe' lunyejeite wetju't tenek'enhei, week enewe'en lakha'le in laqsijiiteju' qa week iye lakha'le in t'ejujets.^l

¹⁷In mexe ham pa'aj ene' week wekwek qa hayiits na' pa'aj hakha'an, hakha' watjanithenij qa amaneihij pa' lunyejei ene' week.^m

¹⁸Lakha' iye lejila' pa' wit'ese'n hikpa' pekhewe' week yijayan pa' Intata, lakha' pa' yojo'oj pa'aj in yenju' aka'an, lakha' yojo'oj in ita'x iye, qe qa' lakha'ye' qu' week netnek'enhe'yipji'.ⁿ

¹⁹Qe pa' Intata yi'sinhetij qu' na'n ji'teje'm hakha'an week pa' lunye'j pa' Intata.^o

²⁰Hakha'an in ta'lets qa pa' Intata qa le'sitsi't wetju't ha'ne week, qa le'sitsi't wetju't pe' i'nipji' ha'ne sehe' qa pe' i'nji' na' wa's qa' niwu'mfik'i pe' u'ets, ma' qa yaqsiiikii pa' le'wis qe ta'lets ha' Cristo pe' l'athits in t'ilitfik'i pe' cruz ji'pha'm.^p

²¹Qa ekheweli't toxik'i in yemjeetax in i'totstaxihimii qa lutentaxi't iye pa' Intata qe ta'lets pe' u'ets laqsi'jihijkii,

²²qa ha'nehij qa hats e'le'sitsi't wetju't pakha'an qe ta'lets pa' na'li'm pa'aj l'ese'n ha' Cristo in wa'm, hats'inha qu' e'le'siitsi'ihha qa qu'

^g 1:10 2Co 9:8; Ga 3:10; Pr 2:6; Jn 17:3; 2P 1:2; 1Jn 4:8 ^h 1:11 Fil 4:13; Hch 4:33; 2Co 3:18; 13:4; Lc 9:32; Jn 17:24; 2P 3:18 ⁱ 1:12 Sal 36:9; Jn 12:46 ^j 1:13 Mt 3:2,17; 27:43; Mr 1:15; Hch 20:25; He 1:2; Jn 3:16; 5:19; 15:10; 17:26; 1Jn 4:16 ^k 1:15 Fil 2:6; Jn 1:3; Ap 3:14 ^l 1:16 Gn 1:1; Mr 13:19; Jn 1:3; Ro 11:36; 1Co 8:6; Ef 1:10,21
^m 1:17 Jn 1:1-2; 8:58; He 1:2-3; Sal 104:24 ⁿ 1:18 Gn 1:1; Mr 1:1; Jn 1:1; Hch 26:4,23; 1Co 15:20,23; Ap 1:5 ^o 1:19 Sal 72:19; Is 6:3; Jer 23:24; Ez 43:5; 44:4; Jn 1:14,16; Fil 2:6; Ef 3:19; Col 2:9; Dt 12:5 ^p 1:20 Hch 7:26; Ef 2:14; He 9:12; Lc 9:23; 23:26

hame' iye pa'qu' uł'axi'ił'etji' qa qu'nte' itijitiyi'iłijets iye qu' uł'etsi'ił qu' amtaxi'łets pakha'an.⁴

²³Łakha' ha' Cristo qu' naqsi'ji'ł e'mijkii aka'an qu' hats yijaayi'ija qu' nite' eqeku'yi'ił, hik łunye'j ne'ej wettsupinju' wanaqfi'jik'iju'kii, nite' łakik'ł'ufik'i pa' ewetjuntikineyejeji'łik'ui pa' nikfeliti'lets in łepi'ye'elik'i ekewe' łe'sits wi'tłije t'ejuyets ha' Jesús, hik ekewe' tefelhitijipi' ha'ne week sehe' ipji', qa hik ekewe' iye yakha', Pablo, he'yithayinenheti'yij.⁷

²⁴Hane'ej qa tsi'sinheti'mkii kekhewe' haats'e'ej qe ta'li'ł ewets, qa in haats'e'ej ha'ne yese'n ma' qa hats hukinetskii pe' mexe hamitsik'ui qu' naats'e'ej ha' Cristo qe ta'łets pa' ł'ese'n, qa hikpe' pe' hats yijayan.⁸

²⁵Hik enewe' he'yithayinenheti'yij in łunye'jek pa' hats yisu'un pa' Intata, hats'inha qu' k'efeni'łij ma' qa week haqsiijkii pa' yisu'un qu' haqsiijkii pa' Intata, qu' henfel ke' łe'łije t'ejuyets ha' Cristo,

²⁶ikji', ekewe' nite' hayiits qu' nana'ł pa'qu' nenikfe'lets pa'aj pe' week ininqapitsik'i qa week pe' ława'mhitsik'i namji'ju' pe' łahatsiyij, pa' Intata yat'inkii pa'aj, qa ha'ne'łij qa hats yethinij pekhewe' hats yijayan,

²⁷qe pa' Intata yisu'un qu' nenikfe'lets pekhewe' hats yijayan nite' judiol pa'n łunye'j pa' qii'ija in łe'wis aka' nite' hayiits qu' nana'ł pa'qu' nenikfe'lets, aka'an ikji' ha' Cristo in i'ni'ł etji'teje'm qa hikha' iye jiwetjunt'ik'ui qu' jinamii hatse'.⁴

²⁸Yekheweli'ł henfeli'ł hakha'an, qa henfeli'łi'mha pa'qu' łunyejeje'kii ene' jukhew qa efuts iye qa' hijatsheni'łijha iye ene' jukhew qa efuts pa' yijaa'ija in witikfelijaxets wekwek, hats'inha qu' week łe'sitsi'imha qu' namtaxetsha hatse' ha' Cristo.

²⁹Qa aka'an in ta'łets qa he'yithayii qa hawatlan iye qa tsit'unhetija iye pa' i'nyitji' łet'unha'x ha' Cristo.⁴

Pablo ye'łilaxets pe' Colosas łełets.

2 ¹Qe hisu'un qu' enikfe'li'łets in qi in hent'unhet qe qa' e'łe'sitsi'łiju' week pekhewe' inefefetsipji' pa' Intata i'ni' ek pa' witset Laodicea qa week pekhewe' mente' tsi'wen.⁹

²Hent'unhet qe qa' hakaklin pe' łatawjets pekhewe'en, qa qu' ewi'ł na'njiiji'ek iye qu' newetsu'un, qa qu' łe'sitsi'łimkii qa' nikesimen iye pe' łatawjets qu' nata'łets in hats nikfe'lets in yijaa'ija, ma' qa aka'an qa' nata'łets qu' nenikfe'letsha aka' nite' hayiits qu' nana'ł pa'qu' nenikfe'lets ta'łets pa' Intata, ikji' aka'an ha' Cristo,¹⁰

⁴ 1:22 Fil 2:8; Jud 24; 2Co 4:14 ⁷ 1:23 Ga 2:16; Jud 3; 1Ts 1:3; Ap 3:14; Ro 10:18; Ef 6:9; Hch 13:9 ⁸ 1:24 2Co 1:4; Fil 1:29; 3:10; Ef 4:4 ⁹ 1:27 Col 2:2; 1Ts 1:3 ¹⁰ 1:29 Jud 3; 1Co 15:10 ¹¹ 2:1 2Ti 4:7; Col 4:13-16; Ap 1:11; 3:14 ¹² 2:2 Lc 16:25; Col 1:27; 4:8; Fil 3:8

³hikha' pakha' wanat'in ji'teje'm pa' qi witikfeliyaxets pe' wekwek qa pa' qi witikfeliya'xkii.^x

⁴Aka'an hit'ihij ewets hats'inha qu' ham pa'qu' nawitji'ihiji' pe'qu' le'sitsi'ik'i le'lijei qa nite'le yijaalija.

⁵Qe in yemjeetax in nite' ha'ntaxi't etji'teje'm qa pakha'le yeqe'spiritu qa hik lunye'j qu' ha'ni't etji'teje'm, qa tsi'sinheti'mkii in hik lunye'j qu' hi'wen in łanaqsi'jiłju'ha qa in nite' hili'ihij in nite' leqeku'uł ha' Cristo.^y

⁶Qa hik ta'hijupi' ekheweli't in łeku'mi'łiju't ha' Jesucristo qu' hik hakha'ye' qu' natsat'etsi't ej, ye'ehe, qa' ejunyejeji'it pa' yisu'un.^z

⁷Hik ejunyejeji'it ne'ej totsijju'ha łefitetsii qu' nite' eqeku'yi'it, qa week nełuts qu' ijatsheni'łfik'iha iye pa' nite' eqekuyejeji'ij, in lunye'jek in hats ł'ijatshenheti'yi'ij, qa' itji'ijetspha'm iye le'wisij pa' Intata.^a

⁸Jehi'łiju'tha, neqif'elikite'eł ejju' pe'ye' qu' nata'łets pe' ham weju'hi'ij leq'ijatshenkeyejei yumtiletax qu' lunye'je', qa pe' yit'ij in t'ejuyets ha'ne sehe' epji' qa ta'łe'ets iye ene' jukhewłe qa nite' ta'łets ha' Cristo.^b

⁹Qe pa' week lunye'j pa' Intata i'nji'teje'm pa' ł'ese'n hakha'an.^c

¹⁰Ma' qa hats ham pa'qu' ham'ił ejup in łani't ji'teje'm ha' Cristo hikha' te'weyik'uipha'm week pe' witt'unhaxits qa pe' witnek'enheyejei.^d

¹¹Łakha' in łjayani't ma' qa yaqsi'ji't e'mijkii pakha' circuncisiłn, nite' lunye'jiju't kakha' circuncisiłn yaqsijikii ene' jukhewłe, qe in yiwu'mi't ek'ui pa' u'łax ejunyejeji't qa hik aka' leqe circuncisiłn ha' Cristo.^e

¹²In łempuliji'łiju', ma' qa hik lunye'j qu' week ajkati'yi'łik'ui ha' Cristo, ma' qa in ła'x qa i'łijijitek iye, qe nite' leqeku'uł pa' łet'unha'x pa' Intata in yihin iye ha' Cristo.^f

¹³Ekheweli't toxik'i mexe hik ejunyejeji't qu' anaxi'łju' qe ta'łets pe' ewu'łetsi't qa in mexe hamitsi't e'm iye pakha' circuncisiłn ta'łets ha' Cristo, qa ha'ne'łij pa' Intata qa hats nełini't e'weeki't ha' Cristo, hikpa' yiwu'm i'nk'ui week pe' inwu'łets.

¹⁴Łakha' yiwamhitjikii week pe' inekumhifkinel i'ntaxji' pa' witfaakanek, pe' inekumhifkinel week t'ejuitax inju't, qa niłi'ijetsji' qa yilaniji' pe' leqe cruz ha' Cristo.^g

¹⁵qa nitka'mij pe' łet'unhaxitstax pe' lunyejeite wetju't tenek'enhei inwo'metets, qa yethinij qa week yi'wen in hats tanaxii pekhewłe lunyejeite wetju't tenek'enhei inwo'metets qe ta'łets ha' Cristo.^h

^x 2:3 Pr 3:19; Is 11:2; 45:3; Jer 23:5; Hch 7:22; 1Co 1:21; 14:6 ^y 2:5 Sal 51:12; 1Ts 2:17

^z 2:6 Jud 3; Ef 3:11 ^a 2:7 Ef 2:20; 4:21; He 13:9 ^b 2:8 Mr 7:3; 1Ti 6:20 ^c 2:9 Fil 2:6;

Col 1:19 ^d 2:10 1Co 11:3; Ef 1:22; 4:15; 5:23 ^e 2:11 Col 1:22; 3:9; Mt 1:17; Ef 5:2

^f 2:12 Ro 6:4; Ef 2:6; Col 3:1; Mt 17:9; Jn 5:25; 20:9; 21:14; Hch 2:24 ^g 2:14 Lc 9:23; 23:26

^h 2:15 Lc 10:18; Jn 12:31; 16:11; Ef 6:12; He 2:14

¹⁶Qa hik ta'hijupi', hasu'uj pa'qu' nejehi'hij ewets qu' nejehik'ui pa'qu' etuji't i'nhi'i pa'qu' iya'ajji', i'nhi'i pa'qu' te'wis neluye', i'nhi'i ne'ej ink'aiki' juwel, i'nhi'i na'aj witwapiihijii.ⁱ

¹⁷Week ekewe'en hik lunye'j qu' lesinq'ale'te teq'eneleya'x hakha' mexe hamik'ui pa'aj, hakha'an hikha' Cristo.^j

¹⁸Hasu'uj pa'qu' naq'ayinihij qa' netka'mihij pakha' enisit'il hatse' ma' qa yisu'un qu' ojonketifik'i in wetf'iljetsin qa in iyinii iye pe' angelits, yit'ij letets in i'nji'kii totoi pe' wekwek, ma' qa weniwqinhetij qa nite' ta'lets pe'ye', qe pe' laqjamtikineyejeilekii hikpe' ta'lets.^k

¹⁹Qa nite'te ewi't i'ni'hi'ha hakha' Cristo, hikha' lejila' week pa' wit'ese'n, hikha' ta'lets in tek pa' wit'ese'n, hikha' niqatijwetju'tkii iye pe' l'astai pa' wit'ese'n pe' l'aka'thel wetju't pa' wit'ese'n, ma' qa pa' wit'ese'n qa t'ijafik'i in lunye'jek pa' yisu'un pa' Intata.^l

²⁰Qu' hats week anaxi'hik'uiju' ha' Cristo pekhewe' yit'ij ene' jukhew qu' net'ejujets pe' iyinii, qa zinhats'ek in hik ejunyejeyi't qu' natsat'etsi't epji' ha'ne sehe', ma' qa hik ejunyejeyi't qu' netnek'enhe'yi't epji' kekhewe' wenit'ij in yit'ij.^m

²¹—Hasu'uj anatkin, hasu'uj ijaajin qu' luj, hasu'uj ku'mets?—

²²Week ekewe'en nite' yape in tanatkinhei qe te'lijeite inq'ijjatshenij ene' jukhewte.

²³Yijaa'ija ekewe'en in teke' qu' jintumti qu' yijaali'ija, qa ta'He'ets ene' jukhewte pa' yumtitax qu' lunye'je' qu' nijayan pa' Intata. Qa jitumti qu' yijaali'ija qe wetf'iljetsin qa in yawtsheten iye na'aj l'ese'n. Qa nite'te weju'hij ekewe'en qu' niwu'm pa' ul'ax yisu'un ene' i'nesenits.ⁿ

Pa' ink'ayik injunye'j in ju'un ji'teje'm ha' Cristo.

3 ¹Qa hik ta'hijupi' in hats week i'hiyi't iye ha' Cristo, qa' mowo'ohi pe' wekwek na' wa'sji', hikpa' i'niju' ha' Cristo pa' yiya'yik'i pa' Intata.^o

²Hasu'uj ili'ihij qu' jehi'hii pekhewe' wekwek hatse' pakha' pha'mji', qa hasu'uj pekhewe' sehe' epji'.^p

³Qe ekheweli't hats lanaxi'hju' qa pe' i'hiyi't qa wanat'ini't ji'teje'm ha' Cristo pa' Intata.^q

⁴Qa qu' ne'twenhetiitax hatse' ha' Cristo, hikha' inila'x, ma' qa ekheweli't qa' e'wenhetiijitek hatse' qa' week e'wenheti'yi'hij hakha'an pa' qi lesa'x.^r

⁵Qa hik ta'hijupi', hik lunyejeye' pe' tewekwekits pe' esenitsi't qu' nanaxik'uiju' pa' wanawitji'hijju'kii l'esenits, qa pekhewep lunyejeite wetju't in wanawitji'te, yisu'un qu' nanawitji'hil in yejeju' pe'ye', ewi'te

ⁱ 2:16 Lc 6:37; Jn 6:55; Ro 14:3,17; 1Co 8:4; He 9:10; Sal 81:3 ^j 2:17 He 8:5; 10:1;

Ro 8:38; Ga 3:24; 5:2 ^k 2:18 1Co 4:6; 9:24; Fil 3:14; Col 3:12 ^l 2:19 1Co 6:13; Ef 4:4

^m 2:20 Ro 6:8; 1P 2:24 ⁿ 2:23 Hch 7:22; 1Ti 4:8 ^o 3:1 He 10:12 ^p 3:2 Fil 3:19

^q 3:3 Ro 6:8 ^r 3:4 2Co 3:18; 4:11; 1Jn 1:2; 2:28; Lc 9:32; Jn 17:24; 2P 3:18

in yisu'un qu' naqsiijkii pa' uł'ax, qa pa' witjunye'j yisu'un wekwek, in hik aka' hik łunye'j qu' łeqe diose'.^s

⁶Qe pa' qi ławak pa' Intata i'nipji' hatse' pekhewe' nite' netek'enheyu' qu' nata'łets ekewe'en.^t

⁷Hik ekewe' łaqsi'jtaxi'łijkii iye toxik'i, in mexe łantaxi'ł j'i'teje'm.^u

⁸Qa ha'neli'ij qa' yape ili'li'j week ekewe'en: pa' witwakaye'j, pa' witts'iyopto', pa' witjunye'j yisu'unłe qu' ninaqwakaninkii, pa' witjunye'j uł'etsik'ikii łe'li'jeyij pakhape', qa pa' witjunye'j yeqwepin ł'anye'j.^v

⁹Hasu'uj qu' mawatqani'ł wetju'łkii, qe hats łiwu'mi'ł pa' hayiits ejunyejeyi'ł uł'ax,^w

¹⁰ma' qa ł'uyi'łik'ipha'm pa' ink'ayik ejunyejeyi'ł, hikpa' hik łunye'j pa' łunye'j hakha' łaqsi'ijii'ł'e'jju', ma' qa week netuts łeyi'łem in wenink'aihit i'łtu'ui qu' hats enikfe'li'łetsha week hakha'an.^x

¹¹Pa' ink'ayik ejunyejeyi'ł hats ham pa'qu' pakha' łunye'je' judío i'nli'i qu' nite' judioye', yaqsiijkii kakha' circuncisión i'nli'i qu' nite' naqsi'ji'łijkii kakha' circuncisión, tujtseika' ta'łji', łene' łe'łe', witłinek i'nli'i nite' witłinek, qe ha' Cristo hikha' les in weju'łij yijat'ij qa hikha' qu' week na'n j'i'teje'm.^y

¹²Qa hik ta'łijupi' ekheweli'ł in t'eku'mi'ł eji' pa' Intata, qa yatsat'etsi'ł ej qa nesu'uni'ł iye, qa' uyi'łik'ipha'm pa' witq'ilta'x, qa pa' witq'i'fenkeye'j, qa pa' nite' witiwqiye'łji', qa pa' witjunye'j af'ayai qa pa' nite' witq'itaqsuneya'x,^z

¹³itaqsunkite'el'ij wetju'ł pe'ye', aqsi'ijijkii yijat'ij qu' e'łe'sitsi'ł wetju'łkii qu' nana'łtax pa'qu' nenuteniji'm pe'ye' pakhape' łe'fe'epji', in łunye'jek ha' Yatsat'ax'inij in e'łe'sitsi'ł wetju'ł.^a

¹⁴Qa pa' week i'nipji' ekewe'en, qu' mewetsu'uni'łha hik aka' łetuk qu' ewi'ł jinaa'ni'ha.

¹⁵Iwejini'łij pa' wit'ikesimeya'xłekii ta'łets ha' Cristo qu' netnek'enhe'yij pe' atawjetsi'ł, hikpa' ł'eni'yai'łijii qe qa ewi'łe'łe pa'qu' ese'ni'ł. Itji'łijetspha'm łe'wisij pa' Intata.^b

¹⁶Iwejini'łij pe' atawjetsi'ł qu' naqamaxji' eke' łe'łije' ha' Cristo, me'nijatshenhi'łij wetju'łkii qa' matkakhini'łij wetju'łkii iye weekij pa' ikfeliyaxitsi'łkii nelisi'łij pa' Intata. Iji'łik'i ke' łe'łijtsinel pa' David'ik'i (Salmos), pe' e'łijtsineli'ł qa pa'qu'łe łunye'je' pe' witiłijtsinel ł'ejuyets pa' Intata qu' it'łijets łe'wisij weekijha pe' atawjetsi'ł.

^s 3:5 1Ts 4:3,5,7; Ro 1:26; Ef 5:3; 1Co 10:14; Ga 5:20; 1P 4:3 ^t 3:6 Stg 1:19; Ap 6:16

^u 3:7 Lc 15:13; Ro 6:2 ^v 3:8 Ro 13:12; Stg 1:19; Ap 13:6; 14:19; 1Co 14:20; Jn 10:33;

Ef 4:22-31 ^w 3:9 Lv 19:11; 1Ti 2:7; Col 2:15; Ef 4:22 ^x 3:10 Pr 31:25; Mr 13:19;

Jn 1:3; Ap 3:14 ^y 3:11 Ef 1:23 ^z 3:12 Jn 3:16; 2Ts 2:13; Ap 12:11; 2Co 6:6; Hch 20:19;

Fil 2:3; Ef 4:2; Col 2:18,23; 1P 5:5; Stg 3:13; 2Ti 3:10 ^a 3:13 2Co 2:7,10; 12:13; Ef 4:32

^b 3:15 Jn 14:27; 1Co 7:15; Fil 4:7

17Iwqinheti't qa' it'ihiji' aka' hiji' ha' Yatsat'ax'inij Jesús week pa'qu' aqsiihijkii i'ni'i pa'qu' it'ihij, qa itjiihijetspha'm iye te'wisij pa' Intata Dios qu' nata'tets hakha'an.^c

Pa'qu' ñunyejeje' pe' wit'alhei qa pe' witlits yijayan pa' Intata.

18Efuts, iwqinheti't qa ek'eni'tets iye pe' ewhe'yetsi't, qe hik aka' les te'wis qu' aqsiihijkii ekheweli't in hijayani't ha' Yatsat'ax'inij.

19Jukhew, isu'uni'tha pe' ewhe'yeli't, qa hasu'uj ul'ax pa'qu' eqfenejeje'i'ihij.^d

20Witlits, ek'eni'tets pe' alheyi't qa' ek'eni'tijets week pa'qu' ñunye'je'te, qe hik aka' les te'wisi'm ha' Yatsat'ax'inij.^e

21Wit'alhei, hasu'uj aqsihi'mijkii pe' elitsi't qu' numti qu' ham ne'weju'hi'ij.^f

22T'ithayii witlinhei (esclavos), week pakha'te qu' ñunye'je' qu' ek'eni'tijets pe' aqa patunisi't ha'ne sehe' epji', hasu'uj in ne'wenhi'it ma' qa l'ithayi'yi't, qe hik aka' ñunyejei pe' wo'hi'ii qu' nisu'un ene' jukhew, yijaayi'ija yijat'ij qu' isu'uni't qu' ithayi'yi'hi'm qe te'nijweyihiju't ha' Yatsat'ax'inij.^g

23Week pa'qu' aqsiihijkii, weeki'ijha pe' atawjetsi't qu' isu'uni't qu' aqsiihijkii, hik eqjunyejeje'i'ihij qu' hakhaye'te Yatsat'ax'inij qu' aqsihi'mijkii qa' nite'ye' ene' jukhew.^h

24Qe hats ñenikfe'li'tets ha' Yatsat'ax'inij qu' nelisi'tij hatse' pa'qu' ñeqisit'i'it ej qu' antsat'axihijek hatse', qe ekheweli't l'ithayi'yi'hi'm hakha' Cristo, hik hakha' ha' yijaa'ija in aqa patuni't.

25Qa pakha'te qu' naqsiijkii pa' ul'ax qa' netestiyjek pa'qu' ñaja'ye' in yaqsiijkii pa' ul'ax, inye'jtu' pakha'te qu' ñunye'je'.ⁱ

4 ¹Qa ekheweli't pekhewe' witqapatunisi'ij yijayan pa' Intata, yatsathen qa te'wis iye pa'qu' ejunyejeje'i'ihij pe' eqejkunenheyi't (witlinhei), qa' menikfeliti'tets in ekheweljiitek na'l pa' aqa patuni't i'ni' na' wa'sji'.^j

2Hasu'uj antapi'ihii qu' iyini't. Qa in l'iyini't qa' iyini'tha hasu'uj pekhel ijamti'ihik'uiji'kii qa' itjiihijetspha'm iye te'wisij pa' Intata.^k

3Qa yekheweli't iye qu' iyinyi't yipji'kii, hats'inha pa' Intata qa' nit'ihij ye'mik'i qhof pe' ñejil ma' qa' henfeli't ke' te'lijei, hats'inha qa' ninikfe'l aka' nite' hayiits pa'qu' nenikfe'lets t'ejuyets ha' Cristo, qa hik aka' iye ho'yophehiti'yipji'.^l

^c 3:17 Jn 14:13; Fil 2:10 ^d 3:19 1P 3:1; Ef 5:25; Ap 8:11; 10:9-10 ^e 3:20 Gn 3:16; Lv 10:14; Dt 31:12; Sal 37:25; Pr 20:7; Lc 1:7; Hch 2:39; He 2:13 ^f 3:21 Sal 103:13; Ef 6:4; He 11:23; 2Co 9:2 ^g 3:22 Ro 1:3; 4:1; 8:4-5,12-13; 9:3,5; 1Co 1:26; 10:18; 2Co 1:17; 5:16; 10:2-3; 11:18; Ga 4:23,29; Ef 6:5; Pr 1:7; Ap 14:7 ^h 3:23 Ef 6:7 ⁱ 3:25 Ap 2:11 ^j 4:1 Col 3:22 ^k 4:2 Ro 12:12 ^l 4:3 Hch 14:27; 27:2; 28:16,30; 1Co 2:7; 16:9; 2Co 2:12; Ef 3:4; 5:2; 6:18-20

4 Iyini'tyipiji' hats'inha qu' neqet'aaxik'iha qu' henfel, qe hik aka'tax qu' haqsiijkii.

5 Mewetjeli't otok'oiha qa' anatkini't pa' ikfeliyaxitsi'tkii in la'ni't ji'teje'm ne' nite' tek'enet's ha' Cristo. ðe'wis qu' iwq'axini'tij qu' nana'l pa'qu' lahats'i'ij qu' enqif'eli'itij qa' enfeli'hi'm.^m

6 Af'ayai qa yimax iye pe'qu' e'lijeyi'it in l'iyeti't, hats'inha qa' enikfe'li'tets pa'qu' it'itij qu' inku'hi't.ⁿ

Pablo qa wetfel.

7 Qa nakha' qi in jitesu'un inejefe Tíquico, ðe'wis yithayife qa ðeq'ithayinenek iye ha' Yatsat'ax'inij, hik nakha' qu' nefelili'm hatse' pa'n yijunye'jkii.^o

8 Qe hik aka' ta'tets in he'nukin qu' enikfe'li't yiwets pa'n yijunyejeji'tkii, hats'inha qu' nakaklin iye pe' atawjetsi't.^p

9 Na' Tíquico qa nakha' qu' hñts'eye'kii hik nakha' Onésimo, hik nakha' iye qi in nite' yeqeku' pa' Intata qa qi in hisu'uni't, hik nakha' iye etsetife'el. Enewe'en hik enewe' qu' nefelili'm week ekewe' yijunyejeji'tkii.^q

10 Na' Aristarco, hikna' yinopheife, wetfeli't ei. Qa hik lunye'j iye na' Marcos, ðaqa a's ha' Bernabé, hik nakha' iye hayiits na'l pekhewe' nijatsheni'tij, qa qu' nanami't ei qa' eneqjunu'ulijha hatse'.^r

11 Qa nakhap iye Jesús, hii iye Justo, wetfeli't ei iye. Enewe'en hik enewe' uja'xte in judío in yithayifetsij aka' wit'ithayijkit t'ejuyets pa' tenek'enheiji' pa' Dios. Qa hik enewe' qi qa yisimetsinji'tij pa' yitawe'j.

12 Qa nakha' iye Epafras wetfeli't ei iye, hik nakha' etsetife'el qa ðeqejkunenek iye ha' Jesucristo. Nite' yili'tij in qi qa iynjii't epji', hats'inha qu' ham neqenijani't ej, qu' ham pa'qu' hami'ik'ui in t'ejuyets in hijayani't pa' Intata qa qu' nami't ejju'ha iye qu' enikfe'li'tetsha week pa' yisu'un pa' Intata.^s

13 Yakha' tsikfe'lijets na' Epafras in qi in ðatawe'ji't eikii ekheweli't qa week pekhewe' i'ni' ek pa' witset Laodicea qa pe' i'ni' ek pa' witset Hierápolis.^t

14 Qa na' Lucas hikna' weihetax witeqjunhetits ðe'le', hikna' iye qi in hisu'uni't, wetfeli't ei iye, qa nakha' iye Demas wetfeli't ei iye.^u

15 Hewetfelii week pekhewe' inejefetsipji' pa' Intata i'ni' ek pa' Laodicea, qa ke' Ninfa iye qa week pekhewe' inejefetsipji' not'axjii wetju't pe' ðetsi'ii.^v

16 Qu' hats week iyinentaxi'tik'i ha'ne witfaakanek, qa' hisi'tij pe' inejefetsipji' Laodicea ðetets qu' niyinenjiik'i' ek, qa ekheweli't qa' iyineni'tik'i ek ha' witfaakanek k'inqekenijiyek pe' Laodicea ðetets.

^m 4:5 Ef 5:15-17 ⁿ 4:6 Mr 9:50; Lc 14:34; 1P 3:15 ^o 4:7 Hch 20:4; Tit 3:12; Nm 23:19

^p 4:8 Lc 16:25; Ef 6:21-22; Col 2:2 ^q 4:9 Flm 10,16 ^r 4:10 Flm 24; Hch 4:36

^s 4:12 Col 1:7; Flm 23; Jud 3; Ga 1:4; Ef 1:9 ^t 4:13 Jud 3; Col 2:1 ^u 4:14 2Ti 4:10

^v 4:15 Hch 12:12; Ro 16:5

¹⁷Qa ha' Arquipo qa aka' qu' it'ihijets: —Me'neniha pa' ithayijkit nelisij pa' Yatsat'ax'inij hats'inha qu' aqsiijkii.—^w

¹⁸Yakha' Pablo. Yakhaa'ija in hewetfeli'ł ei qa hika' ha'ne ł'aka'the'ju' ha'ne witfaakanek. Menikfeliti'łyiikii wat'ij in ye'wit'ophełik. Pa' qi łeqi'fenkeye'j ha' Yatsat'ax'inij qu' hikpa' na'ni'ł ejupha.^x

^w 4:17 Flm 2; 2Ti 4:5 ^x 4:18 Fil 1:7; 1Ti 6:21; 2Ti 4:22; Tit 3:15